



Mónica González Pavón, vicesecretària-interventora deth Conselh Generau d'Aran,

CERTIFIQUI:

Qu'eth Conselh de Govèrn, en session extraordinària de 3 d'agost de 2026, adoptèt, entre d'auti, er acòrd següent e que transcrit literaument ditz:

“1èr.- APROBACION, SE PROCEDÍS, DETH PLEC DE CLAUSULES ADMINISITRATIVES PARTICULARS, DER EXPEDIENT DE CONTRACTACION E DERA LICITACION DETH CONTRACTE MIXTE DE TREBALHS SILVICOLES E DESEMBÒSC PER CABLE AERI ENA FOREST D'UTILITAT PUBLICA CUP L-273 “MONTANEHTA” DERA EMD D'ARRÓ MEJANÇANT PROCEDIMENT DUBÈRT SIMPLIFICAT, DAMB TRAMITACION ORDINÀRIA [MIEI AMBIENT].- (Exp. num. 3085-0005/2026)

Eth Conselh Generau d'Aran, d'acòrd damb es competències cedides pes Ajuntaments e Entitats Municipaus Descentralitzades qu'an signat eth convèni de delegacion de competències en matèria de gestion forestau en data 14 d'abriu de 2023, vò promòir un contracte entar aprofitament de husta dera Forest d'Utilitat Pública dera Val d'Aran CUP L-273 Montanheta propietat dera EMD d'Arró, mejançant desembòsc per cable aeri.

Vist eth Decret de Sindicatura num. 0367/2026, de 10 de junhsèga en quau se demane informe per part dera Secretaria Generau e dera Intervencion de Hons.

Vist eth Plec de prescripcions tecniques redactat.

Vist er informe favorable dera vicesecretaria-interventora dera Corporacion e er informe dera Intervencion de Hons sus eth percentatge que supause era contractacion en relacion damb es recorsi ordinaris deth pressupòst vigent, as efèctes de determinar er organ competent entà contractar, dera madeisha data.

Visti eth Plec de clausules administratives particulars redactats.

Cossent damb eth certificat favorable d'existència de crèdit adequat e sufisent dera Intervencion de Hons, eth finançament des òbres a contractar serà previst ena aplicacion pressupostària num. 2026/01.170.210.06 deth pressupòst generau vigent entar exercici 2026.

Cossent damb çò que dispausen es articles 18, 25, 28, 116, 117, 118.1, 122, 159 e Disposicion addicionau dusau e tresau.2 dera Lei 9/2017, de 8 de noveme, de Contractes deth Sector Public, se prepausa ath Conselh de Govern aprovar eth Plec de clausules administratives particulars, er expedient de contractacion atau coma era licitacion des òbres nomentades, en tot tier en compde qu'era adopcion d'aguest acòrd ei competència deth Conselh de Govèrn, en vertut des delegacions efectuades peth Sindic d'Aran, mejançant Decret de Sindicatura num. 0326/2023, de 22 de junh [BOP de Lleida num. 159, de 19 d'agost de 2023 e DOGC num. 8980, de 16 d'agost de 2023].

Un còp sotmetuda era prepausa a votacion e debat, eth Conselh de Govèrn *acòrde per unanimitat* des tres (3) membres presents deth totau de quate que formen aguest organ collegiat:





Prumèr.- Aprovar iniciaument eth Plec de clausules administratives particulars qu'a de regir era contractacion, plec que s'adjunh coma annèxe en expedient e que demorará a disposicion des persones fisiques e/o juridiques interessades, atau coma era despena corresponenta ad aguesta contractacion per un pressupòst totau de cent vint mil setanta cinc euros (120.075,00 €), IVA includit, damb eth desglossament següent:

- Nauanta nau mil dus cents trenta cinc euros damb cinquanta quate centims (99.235,54 €) en concèpte de valor estimat o pressupòst net e,
- Vint mil ueit cents trenta nau euros damb quaranta sies centims (20.839,46 €), en concèpte d'IVA ath 21%

Eth valor estimat deth contracte ei de 99.235,54 €.

Dusau. - Aprovar er expedient entara contractacion des "*Trebalhs silvicoles e desmbòsc per cable aeri ena forest d'utilitat pública CUP-L 273 Montanheta dera EMD d'Arrò*", mejançant procediment dubèrt simplificat, damb tramitacion ordinària, cossent damb çò previst enes art. 28, 116, 117 e Disposicion addicionau tresau dera LCSP.

Tresau.- Dispausar era dubertura deth procediment dubèrt simplificat de contractacion, en tot procedir ara publicacion der anonci de licitacion en perfil deth contractant, en tot daurir en aguest moment eth tèrme de quinze (15) dies naturaus entara presentacion d'aufèrtes, cossent damb çò que dispause er article 159.3 LCSP.

Quatau.- Facultar era Sindica d'Aran, en nòm e representacion deth Conselh Generau d'Aran, entara signatura de quanti documents publics e/o privats siguen de besonh tà her efectives era tramitacion e execucion des acòrds anteriors."

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau cònte ar efècte oportun, signi aguest certificat d'orde e damb eth vistesplaz deth sindic accidentau.

Vielha, *signat electronicament*

Vist e platz
Eth sindic accidentau

Francisco Bruna Capel